

UMK rancang perluaskan kerjasama dengan institusi terpata dan antarabangsa

UNIVERSITI Malaysia Kelantan (UMK) akan lebih fokus untuk menjalankan kerjasama dengan pelbagai institusi pengajian tinggi awam dan swasta dalam negara mahupun di peringkat antarabangsa sebagai usaha untuk memantapkan kualiti pendidikan serta pembelajaran.

Naib Canselor UMK, YBhg. Prof. Datuk Dr. Raduan bin Hj. Che Rose berkata, langkah itu bagi menentukan setiap program-program yang ditawarkan UMK dapat memenuhi kehendak pasaran dan standard piawaian sekaligus menjadi sebuah institusi pengajian tinggi yang boleh dibanggakan.



Beliau berkata, kita telah membuat perancangan untuk menjadikan UMK ini sebagai sebuah institusi pengajian tinggi yang boleh kita banggakan bukan setakat di dalam peringkat negara tetapi di peringkat antarabangsa.

"Dengan segala kemudahan dan prasarana yang ada, kita yang akan menentukan program akademik yang ditawarkan itu diterima dan memenuhi, piawaian yang ditetapkan," katanya pada Program Malam Mesra UMK, di Kampus Bachok, pada 10 Mac 2013.

Hadir sama, Ahli Lembaga Pengarah Universiti, YBhg. Dato` Seri Setia Raja Dato' Haji Aiseri bin Alias, Timbalan Naib Canselor (Akademik dan Antarabangsa), YBhg. Prof. Dr. Roselina binti Ahmad Saufi, Timbalan Naib Canselor (Hal Ehwal Pelajar dan Alumni), YBhg. Prof. Madya Abdul Aziz bin Abd. Latif dan Pendaftar UMK, YBhg. Prof. Dr. Razli bin Che Razak.

Menurut Prof. Datuk Dr. Raduan, bermula tahun ini UMK akan menyertai *The Global Consortium Eterepreneurship Educators Group* atau GCEE yang dihoskan Babson College iaitu sebuah institusi keusahawanan nombor satu di Amerika Syarikat.

"Dengan kerjasama UMK itu, memberi banyak manfaat kepada universiti terutamanya untuk mendapatkan kemudahan dan peluang akses kepada modul-modul akademik keusahawanan yang diperkenalkan di Babson College," katanya.



Dalam ucapan beliau, Prof. Datuk Dr. Raduan juga memberi taklimat mengenai pembangunan dan prestasi UMK Kampus Bachok yang semakin pesat membangun di samping pelbagai usaha agresif untuk menaiktaraf prasarana dan kemudahan di sekitar kampus.

"Selain itu, tujuan utama penganjuran Program Malam mesra UMK adalah memanfaatkan hubungan kerjasama yang terjalin dengan pihak komuniti dalam usaha meningkatkan penglibatan pelajar universiti supaya boleh berinteraksi secara langsung dengan pihak komuniti dan berpeluang bergaul dengan masyarakat di Bachok," jelasnya.



Berita : Syarimie Wosley / **Gambar :** Azam Razi / **Hebahan :** webmaster@umk.edu.my